

Naalakkersuisut matumuuna Inatsisartut suleriaasianni § 33 naapertorlugu aalajangiiffigisassatut siunnersuut manna saqqummiuppaat:

Uunga siunnersuut: Kalaallit Nunaanni sullivinni avatangiisit pillugit inatsisip allangortinneqarneranik aamma Kalaallit Nunaanni sulisilluni ajoqusersinnaanermut isumannaarineq pillugu inatsisissatut siunnersuut pillugu Namminersornerullutik Oqartussat oqaaseqaatissaat pillugu Inatsisartut aalajangiiffigisassaattut siunnersuut (Inuusutissarsiornermut, Suliffeqarnermut, Niuernermet Nunanullu Allanut Naalakkersuisoq)

Tunnqavilersuutit

Inatsisissatut siunnersuummi matumani ilaatigut navianartorsiornermi sulisut suliffimminnik qimatsisinnaatitaanerak qulakkeerneqassaaq. Siunnersuuteqarnermi aamma nunami aatsitassanik piianeq aamma erngup nukinganik atuineq pillugit suliniutit arlallit, pingaartumik suliniutinut angisuunut atatillugu, ingerlanneqassappata Sullivinnik Nakkutilliisoqarfiup nakkutilliisuusussap, aningaasartuutai qaffallutik unammilligassaqalernissaq pitsaaliorneqassaaq.

Siunnersuut aamma ILO-p aatsitassarsiorfinni isumannaallisaaneq peqqinnissarlu pillugit nunani tamalaani isumaqatigiissutaata nr. 176-ip atuutsinneqalernissaanut ilaavoq. Siunnersuut taamaalilluni aatsitassanut suliaasaqarfimmi nunani tamalaani suleriaatsit pitsaanerpaat qularnaarnissaannut iluaqutaassaaq, tamannalu ukiorpassuit ingerlaneranni aatsitassanut suliaasaqarfimmi, nunatta aatsitassanut nunarsuarmi niuerfimmi suliaqartuusutut pilerinaateqartutut inissitsinnissaa pillugu politikkimut siunnerfigineqarpoq pingaaruteqartoq.

Siunnersuummi aamma Sullivinnik Nakkutilliisoqarfiup aamma Arbejdsmarkedets Erhvervssikring-ip akornanni paasissutissanik katersisarneq paarlaasseqatigiittarnerlu pillugit suleqatigiinneq annertusitinneqassaaq, taamaalilluni sulinermi ajoqusernerit pitsaaliorneqartarnerat siunnerfeqarnerusumik suliaqarfigineqarsinnaalissalluni.

Siunnersuummi aamma akuutissat uumaatsut navianartut imaluunniit atortussat naleqqutinngitsumik atorneqartarnerat annikillisinneqassaaq.

Imarisai

Inatsissatut siunnersuummi sulinermi avatangiisit aamma sulisilluni ajoqusersinnaanermut isumannaarineq pillugit inatsisit nutarterneqarput.

Sullivinnik Nakkutilliisoqarfiup nunami aatsitassarsiorluni aamma erngup nukinganik suliaqarnernik nakkutilliinermut aningaasartuutimi ilaannut matussutissatut akiliisitsisinnaanera periarfissiissutigineqarpoq.

Inatsisit nutarterneqarneranni sulisut navianartoqartillugu suliffimminnit qimagussinnaanerannut inatsimmi tunngavissaqarnissaq qulakkeerneqarpoq.

Aalajangersakkat aatsitassarsiorfinni isumannaallisaaneq peqqinnissarlu pillugit ILO-mi nunani tamalaani isumaqatigiissutini ilaapput. Aalajangersakkani isumatusaarnerup saniatigut, taakkua taamaalillutik Kalaallit Nunaata ILO-mi nunani tamalaani isumaqatigiissutip atuutsinneqalernissaanut aamma iluaqutaapput.

Aalajangersakkat sinnerini ilaatigut akuutissanik uumaatsunik atortussanillu navianartunik atuinissaq Sullivinnik Nakkutilliisoqarfiup akuersissuteqarfigissagaa pillugu aalajangersakkanik aalajangersaasoqarsinnaanera qulakkeerneqarpoq. Maleruagassat nutarterneqarneranni aamma Arbejdsmarkedets Erhvervssikring-imiit Sullivinnik Nakkutilliisoqarfimmud sulinermi ajoqusernerit pillugit paasissutissanik ingerlatitseqqittarnissamut inatsimmi tunngavissaqarnissaq qulakkeerneqarpoq. Kiisalu erseqqissaaviusunik ataasiakkaanik allannguisoqarpoq aammalu torersaarnermut tunngasunik allannguuteqartitsisoqarluni.

Namminersorlutik Oqartussanut aningaasaqarnikkut sunniutaasussat

Siunnersuut Namminersorlutik Oqartussanut imaluunniit Kalaallit Nunaanni kommuninut aningaasaqarnikkut imaluunniit allaffissornikkut sunniuteqassagatinneqanngilaq.

Siunnersuut Namminersorlutik Oqartussanut aningaasaqarnikkut annikitsuinnarmik sunniuteqassasoq naatsorsuutigineqarpoq, tassami nunami sulinermi avatangiisinut aamma sulisilluni ajoqusersinnaanermut isumannaarineranut suliassaqarfiit suli akisussaaffigilerlugit tiguneqanngimmata.

Inuussutissarsiortunut il.il. aningaasaqarnikkut allaffissornikkullu sunniutaasussat

Sullivinnik Nakkutilliisoqarfiup oqartussatut sularinninnerata nakkutilliineratalu ilaannut akiliutit pillugit siunnersuut inuussutissarsiortunut aningaasaqarnikkut sunniuteqassaaq, pissutigalugu Sullivinnik Nakkutilliisoqarfiup aatsitassarsiornermik aamma erngup nukinganik suliaqarnernik nakkutilliineranut aningaasartuutit inuussutissarsiortunit matussuserneqartussaammata. Sullivinnik Nakkutilliisoqarfiup aningaasartuutaannut, taamaalillunilu inuussutissarsiortunut aningaasaqarnikkut sunniutaasussanut, atuinissamut

akuersissutit amerlassusaat, nunami sumiiffinni inissisimaneerit aamma nakkutilliinerup sivilissusaa ilaalu ilanngullugit, apeqqutaassapput.

Akuersissutit qanoq amerlanerutigisut tunniunneqartassanersut imaluunniit taamaattoqassappat akuersissutit qaqugukkut atorneqarniarnersut, siumut eqqoriarneqarsinnaangilaq. Taamaattumik siunissami aatsitassarsiorluni aamma erngup nukinganik suliaqarnernik ilaalu ilanngullugit nakkutilliinermut aningaasartuutissat tamakkerlugit naatsorsorneqarsinnaangillat.

Tusarniaaneq

Siunnersuut ulloq 1. juli 2016 Sullivinni avatangiisit pillugit siunnersuisooqatigiinnut, suliffeqarnermi illuatungeriinnut sinniisuusunut, nassiunneqarpoq.

Tamatuma saniatigut siunnersuut tusarniaanermut nittartakkami 2016-imi 12. julimiit 1. augustimut allagarsiissutigineqarpoq aammalu Naalackersuisoqarfinnut tamaginnut, Sulisitsisunut, Sulinermik Inuutissarsiuteqartut Kattuffiannut (SIK), Ilinniartitsisut Kattuffiannut (IMAK), Perorsaasut Peqatigiiffiannut (PIP), Peqqissaasut Kattuffiannut (PK), Atorfillit Kattuffiannut (AK), Kalaallit Nunaanni Ilinniagartuut kattuffiannut (ASG), Kalaallit Nunaanni Sulisunik Siulersuisut Kattuffiannut (SSK), Qeqqata Kommunanut, Qaasuitsup Kommunanut, Kommune Kujallermit aamma Kommuneqarfik Sermersuumut nassiunneqarluni.

Makkunangaaniit tusarniaanermut akissuteqaat tiguneqarpoq: Aatsitassanut Ikummatissanullu Naalackersuisoqarfik, Aalisarnermut, Piniarnermut Nunalerinermullu Naalackersuisoqarfik aamma Qeqqata Kommunia. Tusarniaanermut akissuteqaatit tamarnik siunnersuummut akuersaartumik isummorsorput. Qeqqata Kommuniata erseqqissarpaa Kalaallit Nunaanni sulinermi avatangiisit pillugit inatsimmi sulisut suliffinni navianartumik pisoqartillugu illersorniarneqarmata naammagisimaarneqartoq.

Inassuteqaat

Tamanna tunngavigalugu Naalackersuisut inassutiginiarpaat, Inatsisartut aalajangissasut, Namminersorlutik Oqartussat Kalaallit Nunaanni sullivinni avatangiisit pillugit inatsisip aamma sulisilluni ajoqusersinnaanermut isumannaarineq pillugu inatsisip allanngortinneqarnissaat pillugu inatsisissatut siunnersuut akuerissagaat.